

Sämmiliih Suomâst

Suomâst sárnuh kuulmâ sämikielâ: tavekielâ, nuorttâlâškielâ já anarâškielâ. Anarâškielâ lii tain kuulmâ kielâst áinoo, mon sárnuh tuše Suomâst, ärbivuáválávt Aanaar kieldâ kuávlust. Tavekielâ ärbivuáváliih sárnumkuávluh Suomâst láá Ucjauhâ, Aanaar, Iänudâh já Suádigil taveuási.

Nuorttâlâškielâ ärbivuáválâš sárnumkuávluh lii ulâtâm Taažâ Njiävđámist Ruošâ Piäccámân. Suomâ peln nuorttâlâšái aassâmkuávluh láá Njellimist, Čevetjäävrist já Kiävájäävrist. Anarâškielâ sárnooh láá suullân 400, nuorttâlâškielâ sárnooh suullân siämmáa verd já tavesämikielâ sárnooh muáddituhháát. Sämikielâi siste láá meiddei jieškoteuvlágán kuávlukielâh, main láá motomeh iäruh. Ovdâmerkkân tavesämikielâ viestârkuávluh kielâst sárnuđ-verbâ lii hupmat /hupmaht/ já nuorttâkuávlukielâst hállat /haallaht/. Viestârkuávlukielâ puáhtá kuullâđ ovdâmerkkân Iänuduvvâst já nuorttâkuávlukielâ Ucjuvvâst. Meiddei nuorttâlâškielâst já anarâškielâst láá jieijâs kuávlukielah.

Motomeh säänih nuorttâlâš- já tavesämikielân:

Anarâškielâ	Nuorttâlâškielâ	Tavesämikielâ
puoh	puk	buot
kyehti	kuõ'htt	guokte
kyeli	kuell	guolli
iilvâs	riiss	albbas
päikki	domm ~ päi'kk	ruoktu

Koččâmäsâh:

1. Mon kielâ teikkâ maid kielâid tun sárnuh?
2. Mon kuávlust tun lah šoddâm?
3. Mon kuávlust tuu vanhimeh já madârvanhimeh láá vuálgus?